

INUIT ATAQATIGIIT

Inatsisartuni



UKA 2018/188
15. oktober 2018
Stine Egede

Uunga siunnersuut: Imaani avatangiisit illersorneqarnissaat pillugu Inatsisartut inatsisaata allanngortinneqarnera pillugu Inatsisartut inatsisissaat nr. xx, xx. xxx 2018imeersoq (Naalakkersuisut Siulittaasuat)

Saqqummiussineq (Naalakkersuisut Siulittaasuat)

Imaani avatangiisit illersorneqarnissaat pillugu Inatsisartut inatsisaata allanngortinneqarnera pillugu Inatsisartut inatsisissaat, Naalakkersuisut Siulittaasuanit siunnersuutigineqartoq pillugu Inuit Ataqatigiinniit imaatumik oqaaseqassaagut.

2017-imi avatangiisinut inatsisip suliarineqarnerani § 41-ip kalaallisoortaata aamma danskisoortaata imminnut naapertuutinngineri pissutigalugit aqqiisoqarsimavoq, maannalu siunnersuummi kalaallisut oqaasertai iluarsineqarput.

Iluatsillugulu suliarineqaqqaarnerani ilanngunneqarsimanngitsunik ilanngussisoqarpoq. Ilaatigut imaani eqqaasimagaanni, ikuallaasimagaanniluunniit nalunaarutiginnissinnaaneq, uppersaatinik assiliisinaanermut aammalu tiguisinnaalluniluunniit periarfissiineq, kiisalu pigisanik allanik akeqanngitsumik tiguisinnaaneq aammalu pineqaatissiisoqarsinnaanermt tunngasut.

Inuiaqatigiinnut aningaasatigut kingunissai malunnaateqangaarnaviangitsut naliliiffigineqarsimavoq, allaat ilaatigut nalilernerqarsimalluni pitsaanerumik atuutsitsinikkut avatangiisinik pitsaanerumik allannguutsaaliuinissamut iluaqutaasinnaassasut.

Pineqaatissiisarnissaq aningaasartuuteqarnerulernermik kinguneqarsinnaagaluartoq, taamaattoq ilimagineqarpoq pitsaaliuinermt sunniuteqassasoq, tamatumalu peqatigisaanik naatsoruutigineqartoq avatangiisinut ajoqqusiisinaanerup aarlerinarnerata annikillissinnaanera taamaalillunilu pisortat aningaasartuutaasa annikinnerulersinnaanerannik malitseqarsinnaalluni.

Taamaattumik inatsisissaq taama isikkoqartillugu, tamakkiisumillu isumaqatigalugu, ataatiimiitaliamut susassaqtumut ingerlateqqipparput.

Qujanaq